

THE UNIVERSITY OF CHICAGO

CHICAGO, ILL.

欽定剿平捻匪方略卷八十三 庚申年

中央民族
學院圖書館

八月初一日 壬戌 德楞額哈勒洪阿奏言

興順等稟報訪得匪首洪佃一蹤跡經邳州知
州張富年帶同眼綫翟三禿子之姪翟忠等在
該州城北高板橋地方立將幅首洪佃一等四
人擒獲兩省接壤地方一律肅清等情查幅首
洪佃一翟三禿子等行蹤詭譎江南山東連界

各州縣頻年受其殘害此次勢蹙被擒洵足以
快人心而寒賊膽已飭邳州知州張富年就近
將該逆押解淮安府訊明辦理以免疏虞其匪
首翟三禿子一犯現聞在景山地方養傷復飭
練總張翼文會同已革營總色爾固善購緝務
獲以清盜源奏入報

初二日癸亥傳振邦奏言永境捻股勾結西路援

賊北竄永碣經臣派撥勁旅駐紮黃口與蒙村

苗村等營聯絡嚴防仍督南路大軍照舊攻圩

賊技既窮折回韓村一帶伺閒滋擾臣督飭各

營隨時擊退復念袁徐兩圩附近積潦成湖難

以進攻賊亦堅匿不出惟聞沙河一帶漏網餘

匪歸併西路若不乘勢進剿恐日久又生波折

因飭知府童維翰等於六月三十日調齊團練會合馬步官兵直趨蒙境將小澗集賊圩擊破徑取蒙城正西之西洋集該處賊圩叢密爲蒙亳老巢門戶防守極嚴七月初三日大軍進攻三戰三捷攻破賊圩十四座殺賊三千餘人賊勢窮蹙詎穎亳大股捻匪因渦淝漲溢賊圩被淹擒首姜台凌劉狗等糾集數百圩之衆各帶

家屬輜重傾巢北竄圖掠完善之區適捻首劉
添幅余麻和等潛往勾結兼有張逆之兄張閔
行新脅亳永一帶飢民爲之前驅於是五旗之
賊計有十數萬衆欲就食滄南由永南沿滄而
東徑至童亭襲破練圩兩處十六十七等日遂
至張家埠口將滄南官軍營盤圍住冀斷前敵
餉道各營出擊屢勝奈賊愈集愈多相持不退

十九日臣督同苗沛霖率隊前進與賊接仗鏖戰三時之久殺賊四五百名衝入重圍將遊擊王清泰四營隊伍接出暫就南岸紮住二十日賊糾大股十數萬拌死來撲我軍據險列陣屹立不動相持時許田在田自率馬軍突由兩翼壓下臣亦揮步隊奮力齊上兵勇一以當百將賊隊衝爲四路追殺四五里該匪大股接應回

拒適南路苗沛霖帶隊趕到我軍勇氣百倍南北夾攻賊益不支均向西南潰遁兵練會集一處追至青水溝以西前後殺賊甚多焚燬賊壘五座割取首級一千餘顆始行收隊二十一日苗沛霖親統各練由歸正廟西北進剿該逆大股出迎兇悍異常我軍分列五隊三面兜擊將賊壓退適劉蘭馨張建猷等帶隊由小澗抄賊

之西臣等分撥馬隊會同李玉田等由東路繞
北夾擊賊衆披靡狂奔我軍分投追殺斃賊三
千餘人踏毀賊壘五座生擒著名大擒首余麻
和韓四芒等二名其餘小擒首以百數計查該
賊十數萬之衆傾巢而來經我軍奮力攻剿立
挫兇鋒所慮該匪自恃人衆未免旁竄爲慮除
飭各路嚴防外相應請

旨飭下慶廉德楞額等分飭永城與山東各路防兵一

體加意堵剿毋稍疏虞奏入

上命軍機大臣傳諭慶廉德楞額曰傳振邦督飭各軍

深入蒙西甫將小澗西洋十餘賊圩攻破賊勢已窮
詎穎亳大股捻匪因渦淝漲溢賊圩被淹捻首姜台
凌劉狗糾集數百圩之衆傾巢北竄捻首張閔行又
脅永亳一帶飢民前驅五旗賊約十數萬衆欲就食

澮南遂由永南沿澮而東襲破練圩圍困澮南官軍
營盤雖經傅振邦率同田在田並苗沛霖之軍會合
批勦踏毀賊壘屢挫兇鋒惟賊勢衆多尤虞旁竄紛
擾著慶廉德楞額各飭永城與山東各路防兵一體
嚴防並速探賊蹤所向與傅振邦等軍分投接應毋
分畛域聯絡堵勦殄除羣醜保全完善地方

十四日
乙亥慶廉奏言查歸陳兩屬團練壯丁前

經勝保函商試行抽調令其自備口糧扼要分
紮原以豫省邊防緊要兵單餉絀兼顧爲難不
能不借資民力爲固守藩籬之計且可騰挪兵
勇專力攻剿洵爲一舉兩得至其日需口糧皆
係該團自行經理量力捐貲均勻樂助本無按
照地丁銀兩勒派之事雖抽丁之數各州縣多
寡懸殊而約略牽算無論地畝多而抽丁少者

總須十頃以外方出一丁卽地畝少而抽丁多者亦須五六頃以外方出一丁合以一年所需按畝計費不及正供錢糧十分之二三似不至強民所難嗣 臣奉

命接辦勦務復體察輿情率皆踴躍樂從卽開許各屬現經 臣與毛昶熙分派官紳一律勸辦亦皆次第舉行尙無畏難觀望之意前項練丁捐費應

調固與軍務有益而於辦理團練亦無關礙自
抽調派駐歸德所屬之包公廟十字河宋集營
郭會亭等處陳州所屬之李興集及與皖省交
界各要隘雖每處不過千人而聲勢極爲聯絡
該練丁等屢次隨兵剿賊極爲得力此時蒙亳
一帶逆巢被淹紛圖他竄西路尤爲喫重正須
防剿兼籌嚴密分布若將前項調紮練丁遽行

裁撤一時又無兵勇可以抽換不啻自撤藩籬
示賊以隙設或掣動全局所關非細臣與該大
臣悉心而商所見相同自當先其所急暫緩抽
裁一俟各屬團練辦有成效再行酌量抽換總
期實心實力和衷共濟奏入

上從之

慶廉又奏言據探毫捻裝旗分路出竄臣卽飭

十字河包公廟宋集馬埠各營加意守禦整隊
備剿並調總兵承惠等自毫折回督率各軍相
機堵擊七月二十四日逆捻劉狗雷彥宋濤沅
蘇立稜眼張潮皆楊舉汰等糾合匪衆每股各
有馬步萬餘人及數千人不等由商毫交界之
界溝黃塚等處分路肆擾賊騎徧野沿村放火
臣飭總兵承惠密派都司敖天印挑選勇隊乘